

Nuna jobimik aaqqissuussap pilersissinnaanera pillugu nassuiaat
(Inuussutissarsiornermut Aatsitassaqaqarnermullu Naalakkersuisuni ilaasorta)

Saqqummiussinissamut allakkiaq
(Inuussutissarsiornermut Aatsitassaqaqarnermullu Naalakkersuisuni ilaasorta)

Siullermeenera

Matumuuna Naalakkersuisut sinnerlugit "Nuna jobimik aaqqissuussap pilersissinnaanera pillugu nassuiaat" saqqummiutissavara.

Nuna jobimik aaqqissuussaq pillugu pisussaaffeqartitamik suleqatigiinnissamut Nunavumi aamma Nunavimmi soqutiginninnermik, suliniummut Kalaallit Nunaanni inuusuttuni soqutiginninnermik, kiisalu Nordisk Ministerrådip ataani aaqqissuussap aningaasaliiffigalugulu aqunneqarnissaanut periarfissanik nassuiaat qulaajaavoq.

Tassunga atatillugu Nunavumi aqutsisoqarfiusumik, Nordjobbimik, kiisalu inuusuttut kattuffiannit Sorlammit toqqartukkanik kalaallinik inuusuttunik inuttalikkamik alaatsinaattoqatigiinnik Inuussutissarsiornermut Suliffeqaqarnermullu Naalakkersuisoqarfik arlalinnik ataatsimeeqateqartarsimavoq.

Ataatsimiinnerni inerniliissutaasimavoq Nuna jobimik aaqqissuussamik Nunavumi aqutsisoqarfiusumit assut soqutiginnittoqarnera, taakku isumassarsiamut assut iluarisimaarinnillutik, taamaattorli siunnersuutip politikkikkut inissisimaffimmut saqqummiutinnginnerani piareersaatit sammisamik inaarutaasimasumik isummerfissamik kissaateqarlutik. Kalaallit Nunaanni inuusuttut aamma soqutiginnippat. Taamaattorli Nordisk Ministerrådi aqqutigalugu suliniutip aningaasaliiffiqarsinnaannginnera paasineqarpoq, taamatuttaarlu Nuna jobimik aaqqissuussamik takkussinnaasumik aqutsisinnaassuseq Nordjobbip itigartitsissutigisimavaa.

Nunavumit, Nordjobbimit aamma alaatsinaattoqatigiinnit pissarsiat tunngavigalugit Nuna jobimik aaqqissuussap misileraaffigisinnaaffianik piareersaatit sammisamut Naalakkersuisut siunnersuusiorsimappat. Piareersaatit sammisaq taanna nassuiaammi saqqummiunneqarpoq.

Kalaallit Nunaannit inuusuttut 15-it Nunavumut aallartinneqarlutik, Nunavumit maannga inuusuttut 15-it aallartinneqarnerannut piareersaatit sammisamut aningaasartuutit 2013-imi 307.000 kr.-nut aammalu 2014-imut 1.360.400 kr.-nut naatsorsorneqarsimappat. Taamaalillutik piareersaatit suliniummut aningaasartuutit tamakkerlugit 1.667.400 kr.-t. Piareersaatit sammisamik aningaasaliinermut aqutsinermulluunniit Nordisk Ministerrådi itigartitsisimammat piareersaatit sammisamut atassuteqartunik aningaasartuutunik matussusiinissamut aningaasaateqarfinit allanit

anigaasanik pissarsisoqarsinnaassanera piareersaatitut sammisap piviusunngortinnissaanut tunngavigineqassaaq.

Nuna jobimik aaqqissuussamut siunnersuut Naalakkersuisut suli tapersorsorpaat, piareersaatitullu sammisap piviusunngortinnissaanut maanna piffissanngortoq, tassalu avataanit anigaasaliisoqarnermik nassaartoqarsinnaassappat aaqqiissutaasumik taama ittumik misileraasoqarsinnaalluni. Ullumikkut oqallinnermi piareersaatitut sammisamut siunnersuut manna qitiutillugu kaajalukaarfiunissaa Naalakkersuisut neriuutigaat. Taamatullu oqaaseqarlunga Inatsisartut oqallilluarnissaat kissaatigaara.